

25/03/1998

Tindakan kerajaan pulih ekonomi dipuji

TINDAKAN cepat pemimpin negara dalam menghadapi kegawatan ekonomi dengan memperkenalkan beberapa pakej pemulihan ekonomi menerima pujian di kalangan anggota Dewan Rakyat.

Ahli Parlimen Tambun, Husni Hanadzlah, ketika membentangkan usul terima kasih atas titah ucapan Yang di-Pertuan Agong, berkata tindakan segera Perdana Menteri, Datuk Seri Dr Mahathir Mohamad dan timbalannya, Datuk Seri Anwar Ibrahim itu kini membolehkan negara mengalami perubahan positif.

"Dengan memperkenalkan dasar yang konsisten, kerajaan berjaya melaksanakan program memperkukuhkan kedudukan ekonomi makro dan reformasi struktural dan sekali gus meringankan beban ancaman kegawatan ekonomi.

"Malah, jika dibandingkan dengan negara jiran, kegawatan ekonomi yang kita alami tidak seteruk seperti di Thailand dan Indonesia," katanya.

Sehubungan itu, beliau berkata kejayaan pemimpin negara itu turut menimbulkan rasa cemburu di pihak lain, terutama pembangkang yang cuba menanggung di air keruh dengan melancarkan kempen memburukkan pemimpin negara.

"Namun, rakyat tahu dan tidak mudah terpedaya dengan terus memberi sokongan kepada Perdana Menteri dan timbalannya," katanya.

(END)